



RAFFLES INSTITUTION
2017 YEAR 6 PRELIMINARY EXAMINATION
Higher 2



BAHASA DAN KESUSASTERAAAN MELAYU

9565/1

Kertas 1 (Bahagian 2)

(Part 2)

MALAY LANGUAGE AND LITERATURE

19 September 2017

Paper 1 (Part 2)

2hrs 15mins

(Total Time for Part 1 and Part 2)

Additional Materials: Answer Paper

ARAHAN UNTUK CALON

Sila lihat arahan yang terdapat di Bahagian 1

ARAHAN: Jawab SEMUA soalan.

BAHAGIAN A (5 markah)

Arahan: Dalam petikan karangan di bawah ini terdapat 5 tempat kosong. Isi setiap tempat kosong ini dengan perkataan yang sesuai mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan.

DALAM zaman awal Institut Pendidikan Teknikal (ITE), institusi itu sering dikaitkan dengan pelajar yang lemah dalam bidang akademik. Bak kata pepatah, lain dahulu lain **(1)**_____. Menurut Menteri Pendidikan (Pendidikan Tinggi dan Kemahiran) Ong Ye Kung, perbezaan yang **(2)**_____ dapat dilihat dari sudut prasarana, kurikulum, dan dedikasi tenaga guru ITE. Semuanya ini berada di peringkat kelas dunia. Beliau turut menekankan bahawa sama ada sesuatu itu baik atau tidak bergantung kepada pemikiran pelajar. Semangat kebanggaan dalam diri pelajar wajar **(3)**_____ agar dapat menjadikan institusi ini sesuatu yang dibanggakan.

ITE juga giat **(4)**_____ pelbagai laluan bagi penuntutnya mempertingkatkan kemahiran, sekali gus menjadikan mereka lebih berdaya kerja. Mulai April tahun depan ITE bakal memulakan empat program peringkat diploma. Jadi, apa bezanya dengan diploma yang dikeluarkan oleh politeknik? Menurut Encik Ong, diploma politeknik mempunyai penekanan akademik yang tinggi, **(5)**_____ diploma ITE pula menumpukan perhatian terhadap kraf dan kerjaya pelajar. Hal ini serupa dengan apa yang dilaksanakan Jerman dan Switzerland.

BAHAGIAN B (30 markah)

Arahan: Baca petikan karangan di bawah ini dengan teliti.

Ijazah penting tapi perlu sesuai diri dengan ekonomi baru

Ogos 14, 2017 | 05:30 AM
HASLEEN BACHIK

Segulung ijazah kerap jadi buruan pelajar. Tetapi dengan usaha pemerintah yang lebih bersifat terbuka terhadap golongan bukan siswazah, sejauh manakah majikan di sektor swasta bersedia bergerak seiringan?

Kajian mendapati sektor swasta masih memberi keutamaan kepada golongan siswazah dalam pengambilan pekerja. Ini kerana persepsi masyarakat bahawa tahap pendidikan seseorang ialah gambaran keupayaannya – kemampuan sesuai dengan kelayakan akademik. Juga, tanggapan bahawa dengan segulung ijazah, status sosial seseorang itu turut meningkat disebabkan gaji permulaan yang lebih tinggi. Namun dengan perubahan struktur ekonomi kini, termasuk kemunculan 'teknologi mengganggu', kedua-dua golongan tersebut menghadapi cabaran serupa yang lebih **getir** dan **perlu bersedia melengkapkan diri untuk menempuhnya**.

Namun, ini tidak bermakna syarikat swasta tidak mengambil kira kemahiran dan pengalaman pemohon pekerjaan. Beberapa sektor seperti pengilangan dan teknologi maklumat lebih terbuka dalam mengambil pekerja bukan siswazah kerana, kedua-duanya memerlukan pekerja yang berpengalaman dan berkemahiran.

Pasaran pekerjaan akan kekal dengan banyak pekerjaan memerlukan sekurang-kurangnya lulusan diploma yang menjadi **penanda aras** di peringkat awal walaupun banyak syarikat berpendapat kemahiran insani atau '*soft skills*' masih kekurangan meskipun dalam kalangan siswazah. Ramai yang menyifatkan langkah majikan menimbangkan seseorang calon melebihi kelayakan akademik sebagai sesuatu yang positif memandangkan kemahiran ini menjadi faktor penting dalam prestasi tugas pekerja.

Daripada **kaca mata** pemain industri, terdapat beberapa faktor yang wajar menjadi perhatian dalam dunia pekerjaan masa kini. Ini termasuk perubahan struktur ekonomi yang lebih bersifat sejagat, peralihan model perniagaan merangkumi 'teknologi mengganggu' seperti e-dagang, kecerdasan buatan (AI) dan sikap masyarakat yang kini lebih cenderung mahukan keluwesan seperti memandu *Grab* atau *Uber*, meskipun memiliki ijazah.

Setiap pekerja perlu mencari peluang meningkatkan kemahiran mereka untuk terus bersaing dalam ekonomi masa depan walaupun beliau tidak berpeluang memperoleh kelulusan akademik sebelum ini. Ini kerana dunia sedang berubah, oleh itu teknologi dan set kemahiran yang diperlukan juga berbeza. Dengan perubahan yang pesat ini, terdapat keperluan menggerakkan tenaga kerja supaya lebih relevan bagi ekonomi masa depan. Maka itu, memiliki ijazah atau tanpa ijazah kini kurang penting. Sebaliknya, apa yang penting, ialah kesediaan mahu terus belajar. Mereka juga perlu bersedia untuk keluar daripada zon keselesaan untuk menyahut cabaran-cabaran baharu agar dapat terus menakat. Ini termasuklah menukar pola pekerjaan daripada yang sedia ada kepada sesuatu yang asing.



ARAHAN: Berdasarkan petikan karangan yang diberikan, jawab soalan-soalan yang berikut dengan menggunakan ayat kamu sendiri.

6. Mengapakah segulung ijazah masih menjadi buruan? (6 markah)
7. Selain kelulusan akademik, apakah kriteria lain yang menjadi keutamaan syarikat dalam pengambilan pekerja?. (6 markah)
8. Apakah perubahan pasaran pekerjaan yang perlu dihadapi sekarang ini dari kaca mata industri dan pencari pekerjaan? (6 markah)
9. Bagaimanakah pekerja dapat **“bersedia melengkapkan diri untuk menempuhnya”**? (6 markah)
10. Terangkan maksud perkataan-perkataan berikut menurut konteks petikan yang diberikan: (6 markah)
 - (a) **getir**
 - (b) **penanda aras**
 - (c) **kaca mata**

Selesai